

e-Dinamik

MAJALAH DIGITALAKADEMIA UiTM CAWANGAN JOHOR

eISSN: 2682-7832



EDISI KETUJUH 2025



اَبُو سَيِّدِي تَبَكُّو لَو كِي مَارَا
UNIVERSITI
TEKNOLOGI
MARA



PERUTUSAN REKTOR

Assalamualaikum warahmatullahi wabarakatuh,
Salam Sejahtera dan Salam UiTM Dihatiku.

Segala puji bagi Allah SWT kerana dengan izin-Nya, Majalah Digital Akademia UiTM Cawangan Johor, e-DINAMIK Edisi 2025 dapat diterbitkan dengan jayanya. Syabas dan tahniah diucapkan kepada seluruh sidang editorial atas komitmen, ketekunan, dan dedikasi dalam memastikan penerbitan ini terus menjadi wadah intelektual yang bermakna.



Penerbitan e-DINAMIK bukan sahaja berfungsi sebagai medium dokumentasi hasil penulisan ilmiah, kreatif dan penyelidikan, malah menjadi platform penting bagi warga akademia untuk menyalurkan idea, pandangan, dan dapatan kajian dalam pelbagai bidang. Edisi kali ini tampil lebih segar dengan isu-isu semasa yang menyentuh pelbagai aspek global yang kian kompleks.

Saya percaya usaha ini mampu memperkukuh budaya penulisan akademik dalam kalangan pensyarah serta menyemarakkan amalan perkongsian ilmu merentasi sempadan disiplin. Melalui inisiatif ini juga, diharapkan lebih ramai pensyarah dan penyelidik dapat melangkah ke tahap yang lebih tinggi dalam menghasilkan penerbitan berimpak serta berindeks antarabangsa.

Sekalung penghargaan ditujukan kepada Timbalan Rektor (Penyelidikan dan Jaringan Industri) bersama pasukan editorial yang sentiasa konsisten memastikan kesinambungan penerbitan e-DINAMIK dari tahun ke tahun. Semoga majalah ini terus menjadi sumber inspirasi, rujukan dan motivasi kepada seluruh warga UiTM serta pembaca di luar sana.

Akhir kata, saya berharap e-DINAMIK 2025 ini akan terus menjadi medan ilmu yang dinanti-nantikan setiap tahun. Semoga segala usaha ini diberkati dan memberi manfaat buat semua.

Sekian, terima kasih.

PROFESOR MADYA DR. SAUNAH ZAINON

Menjalankan Fungsi Rektor
UiTM Cawangan Johor

Assalamualaikum warahmatullahi wabarakatuh dan Salam Sejahtera,

Alhamdulillah, setinggi-tinggi kesyukuran dipanjatkan ke hadrat Allah SWT kerana dengan izin dan rahmat-Nya, penerbitan Majalah Digital Akademia UiTM Cawangan Johor, e-DINAMIK Edisi 2025 dapat direalisasikan.



Saya ingin merakamkan penghargaan yang tidak terhingga kepada Yang Berusaha Prof. Madya Dr. Saunah Zainon, Rektor UiTM Cawangan Johor, atas sokongan dan dorongan yang berterusan dalam memperkasakan budaya penulisan serta penerbitan akademik di UiTM Cawangan Johor. Sesungguhnya, e-DINAMIK telah menjadi wahana penting untuk menyalurkan idea, mengasah bakat serta mendokumentasikan pelbagai bentuk penulisan merangkumi karya, kreatif, laporan aktiviti dan isu semasa yang berkaitan dengan warga akademia.

Lebih daripada sekadar sebuah majalah digital, e-DINAMIK merupakan cerminan kecemerlangan akademik UiTM Cawangan Johor, selain membuka ruang yang lebih luas untuk mengetengahkan pencapaian, keterlibatan komuniti, serta perkembangan fakulti dan jabatan di Kampus Segamat dan Kampus Pasir Gudang. Saya percaya usaha ini juga dapat meningkatkan visibiliti universiti di persada negara mahupun antarabangsa.

Penerbitan ini tidak akan berjaya tanpa komitmen padu sidang editorial serta sumbangan para penulis yang dengan ikhlas berkongsi masa, tenaga, dan ilmu demi menjayakan hasrat murni ini. Saya amat berharap inisiatif sebegini dapat menyemarakkan lagi minat warga akademia untuk terus berkarya serta menghasilkan penulisan bermutu tinggi yang memberi manfaat kepada masyarakat.

Akhir kata, sekalung tahniah dan syabas kepada semua pihak yang terlibat dalam menjayakan penerbitan e-DINAMIK Edisi 2025. Semoga usaha ini berterusan dan menjadi sumber inspirasi kepada semua pembaca.

Sekian, terima kasih.



DR. FARIDAH NAJUNA MISMAN

Timbalan Rektor (Penyelidikan & Jaringan Industri)
UiTM Cawangan Johor



PENAUNG

Profesor Madya Dr. Saunah Zainon

PENASIHAT

Dr. Faridah Najuna Misman

PENYELARAS

Dr. Nur Fatimah Shaari
Dr. Noor Hidayah Ab Aziz

KETUA EDITOR

Aidarohani Samsudin

PENOLONG KETUA EDITOR

Dr. Fatin Farazh Ya'acob

EDITOR AKADEMI PENGAJIAN BAHASA

Zuraidah Sumery
Farhana Idris
Siti Aishah Taib

EDITOR AKADEMI PENGAJIAN ISLAM KONTEMPORARI

Munirah Zakaria
Mohamad Zaki Razaly
Dr. Muhammad Fahmi Md Ramzan



SIDANG REDAKSI

EDITOR JABATAN UNDANG-UNDANG

Norintan Wahab
Zuramaznum Sainan

EDITOR FAKULTI PENGURUSAN DAN PERNIAGAAN

Ainol Mardhiyah Rahmat
Che' Khalilah Mahmood
Dr. Nur Fatihah Shaari
Dr. Suhana Mohamed
Ferri Nasrul
Mohamad Azwan Md Isa
Muharratul Sharifah Shaik Alaudeen
Norfariza Mohd Ali
Rosmah Abd Ghani @ Ismail
Ruziah A. Latif
Siti Noorhaslina Abd Halim
Siti Nordiyana binti Ishak
Zaibedah Zaharum

EDITOR FAKULTI PERAKAUNAN

Ahmad Marzuki Amiruddin Othman
Juyati Mohd Amin
Nurru Ain Fauzi
Nursia Yuhanis

EDITOR FAKULTI SAINS GUNAAN

Dr. Saiful Najmee Mohamad



EDITOR FAKULTI PENGURUSAN MAKLUMAT

Azura Abdul Jamil @ Kamarudzzaman
Rohayu Ahmad
Siti Hasma Hajar Mat Zin

EDITOR FAKULTI SAINS KOMPUTER DAN MATEMATIK

Haslenda Yusop
Dr. Nur Syamilah Arifin
Dr. Wan Munirah Wan Mohamad
Noraisyah Abdl Aziz

EDITOR FAKULTI KEJURUTERAAN

Azyan Zafyrah Mohd Zahid
Dr. Wan Nur Fazlina Abdol Jani
Noorashiekin Khalid
Mazni Mat Zin
Nurrul Amilin binti Zainal Abidin
Nurulnatisya binti Ahmad
Ts. Dr. Siti Aminah Nordin
Ts. Muhammad Imran Ismail

REKABENTUK DAN GRAFIK

Shahrul Amir Bin Shaheran
Mohamad Hanif Bin Awaludin



SUNNAH MENDAHULUKAN ANGGOTA KANAN

Mohamad Zaki Razaly, Mohd Asyadi Redzuan, Mohamed Mohideen Nayeem

“Sesungguhnya Rasulullah SAW membiasakan diri mendahulukan yang kanan dalam memakai selipar, menyikat rambut, bersuci dan dalam setiap urusan kehidupan sehariannya” (Riwayat al-Bukhari).

Nabi SAW merupakan suri tauladan terbaik untuk diikuti dan dicontohi oleh setiap Muslim. Para sahabat Nabi SAW sentiasa memerhatikan dengan teliti setiap tindak tanduk serta perlakuan Baginda SAW. Hal ini kemudian dipraktikkan oleh para sahabat serta disampaikan sama ada kepada sahabat yang lain ataupun kepada generasi berikutnya selepas kewafatan Nabi SAW. Kitab-kitab sirah dan riwayat-riwayat hadis merekodkan bahawa para sahabat Nabi SAW berusaha sedaya mungkin untuk menjadikan Sunnah Nabi SAW sebagai amalan seharian mereka sama ada amalan yang berbentuk ibadah ataupun bukan ibadah.

Jika diamati, pada sekecil perbuatan Nabi SAW hatta seperti memakai selipar, kita akan dapati betapa konsistennya amalan Nabi SAW dalam mendahulukan kaki kanan ke atas kaki kiri dan tidak pernah diriwayatkan sebaliknya. Abu Hurairah RA meriwayatkan bahawa Nabi SAW bersabda:

“Apabila seseorang daripada kamu ingin memakai selipar, maka mulakanlah dengan kaki kanan. Manakala, apabila kamu ingin menanggalkannya, maka mulakanlah dengan kaki kiri atau pakailah keduanya serentak atau menanggalkannya secara serentak” (Riwayat Muslim).

Sunnah mendahulukan kaki kanan apabila memakai kasut mungkin dipandang remeh oleh sebahagian besar masyarakat pada hari ini, namun mengamalkannya adalah satu langkah awal bagi seseorang untuk membudayakan Sunnah Rasulullah SAW.



Oleh sebab itu, Nabi SAW pernah menitipkan satu pesanan yang penting kepada kita, sepertimana diriwayatkan oleh Saidatina Aisyah RA: *“Amalan yang paling disukai oleh Allah SWT adalah yang berterusan dilakukan oleh pelakunya walaupun sedikit”* (Riwayat Muslim).

Justeru, melakukan amalan Sunnah yang kecil atau sedikit tetapi istiqamah adalah lebih baik daripada melakukan amalan yang besar atau banyak tetapi tidak istiqamah. Begitu juga ketika melangkah masuk ke masjid, hendaklah didahulukan dengan kaki kanan dan menggunakan kaki kiri apabila keluar dari masjid sepertimana diriwayatkan oleh Anas bin Malik RA:

“Sebahagian dari Sunnah adalah apabila engkau memasuki masjid, hendaklah engkau mulakan dengan kaki kanan. Dan apabila engkau keluar dari masjid, maka engkau mulakan dengan kaki kirimu” (Riwayat al-Hakim).

Begitu juga apabila seseorang itu makan dan minum, Nabi SAW memberi penegasan yang jelas melalui beberapa hadis Baginda SAW untuk menggunakan tangan kanan serta melarang daripada menggunakan tangan kiri. Nabi SAW bersabda:

“Jika salah seorang dari kalian makan, maka makanlah dengan tangan kanannya. Dan jika dia minum, maka minumlah dengan tangan kanannya. Sesungguhnya syaitan makan dengan tangan kirinya dan minum dengan tangan kirinya pula” (Riwayat Muslim).

Selain itu, dapat dilihat juga perbuatan Nabi SAW mendahulukan anggota kanan ketika menyisir rambut, bersuci, mengambil wudhu serta dalam kebanyakan amalan seharian Baginda SAW yang lain. Justeru, marilah kita menghidupkan Sunnah Nabi SAW ini. Walaupun nampak kecil, namun ia signifikan, in sya Allah.